

四庫全書

史部

欽定四庫全書

史部

欽定大清會典則例卷十五

六

詳校官檢討_臣劉 炘

編修_臣程嘉謨覆勘

總校官原任中允_臣王 燕、緒

校對官中書_臣呂雲棟

謄錄監生_臣陸維新

欽定四庫全書

欽定大清會典則例卷十五

吏部

考功清吏司

戶口

一編審人丁康熙二十五年題準各省五年編
審壯丁一次統於年終造冊具題如不照限題
報者將經管各官皆照違限例議處如府州縣

官假編審造冊科派小民者草職提問司道等
官明知朦隱不報者亦草職提問若揭報督撫
不行題叅或被百姓首告或被科道指叅將督
撫亦草職○五十二年欽奉

恩詔續生人丁永不加賦如該府州縣各官於定額之
外將新增人丁私派錢糧者草職提問司道等官不
揭報督撫不察叅皆照私派例分別議處

一買賣人口康熙三年題準凡撥給山海關以

外叛逆人犯妻子家僕有私行偷賣贖去者賣贖之人繫官革職專管各官各降二級調用如偷賣贖軍流等犯妻子家僕者亦照此例議處
○十七年覆準八旗滿洲蒙古家人不許賣給漢軍民人違者將所買之人并價均入官買賣之人繫官罰俸一年收稅官罰俸九月其滿洲蒙古家人有違例贖身放出為漢軍民人者繫官亦照買賣例處分其喀爾喀厄魯特亦不許

漢軍民人買違者繫官降一級調用將人入官
○十八年題準旗下人買民人無論地方著用
正印官印信準買令用印衙門速呈戶部由戶
部轉行該撫令該地方官曉諭如用印官十日
內不將所買緣由呈報戶部者罰俸一年如竟
不呈報者降一級留任○又議準凡旗下家人
將誘來人口隱藏在家販賣其主明知匿而不
首者繫官革職若不知情失於覺察者罰俸三

月若各該管之人或拏獲或出首或犯人自行
投首者將該管官并其主皆免其議處○又議
準官員該管地方如有誘騙掠賣人口藏頓窩
子老虎洞等處該地方官不行嚴加察拏知情
故縱者革職該管上司皆降三級調用○又議
準

京城地方如有聚衆搶奪路行婦女及以藥餅迷
去幼小子女或用術拐男婦子女或賣或自為

奴婢者將不行嚴禁之該管官罰俸一年在外
直省地方如有搶奪迷拐等事不行嚴禁之州
縣捕官罰俸一年印官罰俸六月本管知府及
總捕廳各罰俸三月至搶奪迷拐人犯之主知
情不舉繫有職者革職○又議準旗人買良人
為娼或將家下婦人縱為娼者娼婦入官其主
繫官革職治罪家人將已自置僕婦縱為娼者
其主不知情繫官降一級留任罰俸一年若知

情繫官亦草職治罪族長繫官罰俸一年城外
交與五城司坊官察拏若不察拏被傍人拏獲
將司坊官罰俸一年該城御史罰俸三月○雍
正十二年覆準官媒人等將婦女私養在家糾
結匪類局姦圖騙如非繫當官交領私具領狀
將婦女久養在家逾限不賣希圖重利者該管
地方官不行實力察拏或被上司察出或別經
發覺將該地方官照不實力奉行察訪富家例

罰俸一年○乾隆四年覆準凡違禁掠賣番仔
之內地民人文武官弁稽察不力者照外國之
人私自進口不行察報例專管官降一級調用
該管上司罰俸一年知情故縱者照諱盜例革
職受賄徇縱者叅革治罪○又奏準官員出差
買女人者分別強和察議強娶者革職和娶者
降三級調用

一隱瞞秀女乾隆三年奏準旗人隱瞞秀女者

繫官草職平人交刑部治罪族長及該管官知情者降二級調用族長及兵丁鞭七十若不知情該族長草率具結者繫官罰俸一年兵丁鞭五十在屯之秀女如有隱瞞遺漏等弊將差徃稽察之領催照在京族長例議處

一臺灣民人偷越苗地乾隆二年覆準臺灣民人偷越苗地該地方文武官弁如有實力巡察一年之內拏獲十名者將拏獲之該地方文武

官弁準其紀錄一次再有拏獲按數遞加議叙
倘不實力巡察致有偷越之事別經發覺將該
管文武官弁照失察民人擅入苗地例降一級
調用上司罰俸一年若有賄縱情弊照私放出
口例將該管官革職計贓論罪如兵役人等不
實力巡察致有偷越之事如兵役有受賄故縱
情弊者失察兵役之該管文武官弁如繫失察
照失察衙役犯贓例議處如繫故縱照縱役貪

贓例草職

田宅

一開墾荒地順治十五年覆準丈量地畝遲延限期及丈量之地不明白詳報不送文冊檄催又不申詳或飭令該員監丈互相推諉者州縣官各罰俸一年該管官各罰俸六月○康熙元年題準各省荒地道府一年內開墾千頃以上者紀錄一次三千頃以上者加一級四千頃以

上者加一級紀錄一次六千頃以上者加二級
州縣官開墾百頃以上者紀錄一次三百頃以
上者加一級四百頃以上者加一級紀錄一次
六百頃以上者加二級竝起科時該督撫取具
甘結具題之日分別紀敘如有未經開墾捏報
者督撫布政使降二級罰俸一年道府降四級
調用州縣官草職如墾地後有復荒者道府州
縣官將開墾之加級紀錄削去督撫布政使罰

俸一年道府降一級住俸州縣官降三級住俸
皆勒限一年督令開墾如依限一年內有墾完
者準其開復如限內不墾完者督撫布政使降
一級再罰俸一年道府降二級調用州縣官降
三級調用如前官墾過熟地後任官復荒者督
撫布政使道府州縣官照經管開墾官復荒治
罪倘有隱匿熟地稱為墾田者道府州縣官皆
照未經開墾捏報例議處如督撫布政使未經

察出亦照捏報例議處十五年題準官員開墾荒地不照定例年分起科先期勒徵或過期不徵或私減地畝定額徵糧者州縣官革職道府各降三級調用督撫布政使各降一級留任如不照所限年分豫詳請徵或勒民開墾及開墾地畝以多報少以少報多或以先墾之地後又重報開墾及荒熟地畝不分晰明白潤報或應徵在民錢糧不察出者州縣官各降一級調

用該管上司罰俸一年○又議準見任文武官
並休致鄉宦或將熟地或將新墾增地隱一畝
以上者降四級調用隱十畝以上者革職隱一
頃以上者革職杖一百準其折贖永不叙用其
所隱田地入官所隱錢糧按年行追進士舉人
生員貢生監生隱一畝以上者革去職銜隱十
畝以上者革去職銜杖一百準其折贖永不叙
用其所隱田地入官所隱錢糧按年行追一應

州縣官員將所隱田地不行察出不及二頃者
降四級調用二頃以上者革職道府直隸州知
州等官將所隱田地不行察出不及五頃者降
二級調用五頃以上者降四級調用督撫布政
使將隱地不行察出不及十頃者降一級留任
十頃以上者降二級留任罰俸一年又官員因
不行察出隱地處分之時先有察出隱地並因
墾地有加級紀錄者準抵其餘加級紀錄不準

抵銷其地主已將本身地呈報州縣而州縣不
呈報司道府官或州縣已經呈報而司道府官
不詳明督撫者皆照隱地官員例處分其原首
地主免罪總督巡撫以下州縣官以上離任之
後如有隱地被接任官察出其升遷降調休致
告病者皆照見任官例處分○十六年題準州
縣官實心勸諭首出隱地二百頃以上者紀錄
一次六百頃以上者加一級八百頃以上者加

一級紀錄一次千頃以上者加二級該督撫仍
不時察訪如有藉勸首名色滋事擾民該督撫
即指名題叅照捏報開墾例革職○十七年覆
準不肖官員有希圖議敘謊報開墾及察出隱
地累民多徵錢糧者此等事發覺將謊報官照
捏報開墾例議處加級紀錄卓異即升皆不準
抵銷○雍正十二年覆準各省督撫凡有開墾
冊報即別委隔屬賢員履畝丈勘所墾之數與

所報之數果屬相符取結送部勸墾之官準其
題請議敘倘丈勘之數與報墾之數不符即將
原報墾之官題叅照以多報少以少報多例降
一級調用如委勘之員一時朦朧或經督撫指
叅或經日後發覺將委察出結之員亦照此例
降一級調用至於山田或先可耕種後因水衝
僅存沙石者難以播種並濱江濱河之田前經
報墾後因水浸或經坍塌者應於水田六年旱

田十年將屆升科之期令該督撫按年委官覆
加察覈如果有坍塌更改之處據實具題請豁
其成熟田地仍行分別升科如有應行改正而
互相徇隱者督撫察叅皆照荒熟地畝不分晰
明白例降一級調用升科以後山田水田或彼
衝此長彼漲此坍以新長者補衝以新漲者抵
坍實在衝坍者即予開除仍將每年開除抵補
細數造冊報部如該地方官不實力奉行督撫

確察題叅亦照例降一級調用督撫不題叅別
經發覺罰俸一年○又覆準凡藉開墾名色將
有業戶田產串通里甲地鄰朦官給照地方官
不行察明濫給執照者照不分晰明白濶報例
降一級調用○乾隆十六年覆準湖廣沿江州
縣兩岸多產蘆葦坍漲不常其坍沒地畝印官
竟有從未履丈率行據報請豁道員不過按冊
抽察其中不免坍少豁多之弊嗣後嚴飭州縣

逐一確切察明入冊道員詳細稽覈倘州縣仍
前草率道員訪出揭叅如有扶同一并分別議
處倘州縣及道員等仍前玩忽該督撫不即題
叅部中按限察覈將該督撫一并叅處

一撥給地畝康熙九年題準凡官員撥補地畝
不詳察部文原定款項錯誤撥給或原定款項
有不便撥給情由不豫先詳明擅與改撥者皆
罰俸一年○二十四年議準承辦撥地官員有

意不遵部文徇情改撥者將該員降三級隨旗行走

一旗人違禁外省置產雍正十二年覆準八旗人員置買產業於各省者令各旗人員據實首報交與該省督撫按其產業之多寡酌量限期勒令全數變價回旗如有隱匿不首及首報不實者令督撫訪察題叅照侵占田宅律治罪所置財產照例入官如有地方官扶同徇隱不行

究叅或被傍人首告或因他事發覺將不行實
心察究之州縣官降二級調用未經察出之知
府降一級留任督撫司道罰俸六月至於察禁
以後仍有違禁於各省置產私相授受或託民
人出名詭名寄戶等事一經察出田產入官照
律治罪地方官失於覺察照失於覺察例罰俸
一年

一入官田產康熙十四年議準官員凡入官田

產隱匿不舉者革職未經察出之知府降一級
調用司道罰俸一年巡撫罰俸六月其令人居
住耕種不納租銀者州縣官降一級調用該管
官罰俸一年如估價短少或不候估價部文即
賣者皆罰俸一年該管官罰俸六月○雍正七
年題準田房產業一經入官即令本犯家屬立
將契券呈官出業該管官眼同原主秉公估定
價直出示速售有願買者即給與印照照內開

明不許原主勒索找價仍令買主出具並無假冒影射甘結存案如該管官仍有縱容原主踞占影射者或被旁人首出將踞占之家屬並影射之親友皆照隱瞞入官財物房產律坐贓論罪該管官照徇隱例治罪該管各上司照徇庇例降三級調用倘並無影射情弊而首告之人故行捏辭陷害按律反坐至所典房地及質當物件應責令原主勒限取贖歸還原本如逾限

不贖即開明原本價直出示招售又虧空貪賊
官吏一應追賠銀各該督撫委清察官產之員
會同該地方官令本犯家屬呈明時價當堂將
田房什物分別低昂公同確估詳登冊籍申報
上司仍令本犯家屬眼同售買完項如有侵漁
需索等弊許該犯家屬並買主首告將侵漁需
索之官吏照侵盜錢糧及受枉法賊律從重治
罪該管上司不行嚴察故為徇庇照徇庇例降

三級調用○又題準凡應變價之田房產業價
估千兩以上者僻小州縣或無有力之家及雖
繫通都大邑而價直至數千兩一時不能即售
令該督撫酌量分作年限完解限內不完罰俸
六月二年以後不完罰俸一年如有售主先交
價銀一半或三分之一即令其管業其餘銀各
於年限清交給與印照該管官先將分年完解
之處詳明上司咨部存案至所收銀逐年解交

藩庫出具庫收送部察覈如一年限內完解不
及該年分數者將該地方官察叅罰俸六月二
年不完者罰俸一年三年以後不完每年罰俸
一年若一年限內全完千兩一案者準其紀錄
一次以次遞加○十三年覆準入官產業如經
管胥役占住侵租該管官毫無覺察或別經發
覺或被上司訪出題叅照縱役婪贓例革職○
乾隆十五年奏準承辦千兩以下者限半年變

完千兩以上至數千兩者該督撫酌量分作一
年或二年變完○十六年覆準契稅銀繫屬雜
項原與地丁等項正課不同若一例處分未免
漫無區別但不肖有司將契稅銀任意侵匿而
該管上司乃竟全無覺察或已經察知仍不據
實詳報自應分晰情節酌定處分以專稽察之
責嗣後所屬州縣倘仍有侵收契稅情弊即行
據實指叅繫直隸州侵收者將該管道員繫州

縣侵收者將該管知府直隸州知州皆一并察
叅仍將或繫徇隱或繫失察於疏內分晰聲明
如繫有心徇隱照徇庇例降三級調用如止於
失察者照屬員因事受財同城知府失於覺察
例降一級留任

一擅責佃戶雍正十二年議準凡不法紳衿私
置板棍擅責佃戶勘實鄉紳照違制律議處衿
監吏員革去衣頂職銜照律治罪地方官容隱

不行察究經上司訪出題叅照徇庇例處分失
覺察者照不行察出例罰俸一年如將佃戶婦
女占為婢妾者皆革去衣頂職銜按律治罪地
方官徇縱肆虐者照溺職例革職不能詳察者
照不行察出例罰俸一年該管上司徇縱不行
揭叅照不揭報劣員例議處至有姦頑佃戶拖
欠租課欺慢田主者照例責治所欠之租照數
追給田主

欽定大清會典則例卷十五

欽定四庫全書

欽定大清會典則例卷十六

吏部

考功清吏司

解支

一起解錢糧物料康熙四年議準直隸各省兵
餉協餉定為五分限四月內完二分半九月內
全完如行師大兵軍餉協濟別省錢糧或遲或

誤者草職支給本省兵餉或遲或誤者州縣衛所官降三級司道府直隸州各降二級督撫各降一級皆令其戴罪督催完日開復○五年議準每年撥餉時如所撥餉內有水旱等災蠲免或撥文未到之前別用並解部及重撥之項該省督撫等一面動用別項錢糧照限協解一面將動支緣由開明題報如諉解借端謊行題報或所闕錢糧不動別項錢糧抵解以致遲誤者

該管官草職布政使司降三級調用督撫降二級留任至解餉省分督撫照所限月底將起解數目題報如不曾起解謊以起解具題者草職不依所限月底題報者罰俸一年如已徵錢糧撥給稽遲以致兵逃兵譁或察報時將兵逃兵譁情由朦隱不報及報不實者皆革職該管各官將此等情由已經申報而該督撫不行糾叅者降二級調用如已經安定者免議其不候所

限四月九月分錢糧分撥時即將十分全徵者
經徵官降二級調用督催官降一級調用督撫
罰俸一年如官員解送錢糧等項沿途停閣日
期者罰俸一年○九年題準官員起解兵餉漕
糧白糧本色顏料等項如該管司道府等官不
委見任佐貳濫委廢官匪人解送或中途誤失
者原委之官降一級調用如中途無有誤失罰
俸一年如委見任官解送中途誤失者原委之

官罰俸六月如解官起解錢糧侵欺潛逃者原
委之官降一級留任如不曾差官批迴內填寫
差官及不差職官者皆罰俸一年○又題準各
省採買物料等項承估布政使不照時價確估
妄行多開者罰俸一年巡撫罰俸六月如不與
上司驗看解送徑行解部者罰俸六月○十四
年議準部撥錢糧關繫軍需若限期急迫不能
依限起解者先具題展限如擅改部限者降二

級調用○十五年議準官員將不應起解之錢糧違例起解者罰俸一年或應免本色錢糧解送折色者降一級調用○又議準官員起解錢糧不行詳察銀匠銀內攪和鉛沙者降三級調用巡撫罰俸一年如解送潮銀者降一級調用巡撫罰俸六月○又議準解送顏料等項如解官中塗乾沒交納短少者即照侵欺例治罪○又議準解官到部稽遲所解錢糧全完者一月

內仍免其議處逾一月以外者罰俸一年○十八年覆準州縣官隔年豫徵錢糧督撫察叅照私派例將州縣等官革職拏問司道府各官明知不報者將司道府各官革職詳報督撫不行題叅者將督撫降五級調用其豫徵錢糧即準為次年正項錢糧○二十六年題準委解藉病推諉規避者革職○二十八年議準錢糧物料等項解送到部限一月察覈明白拏給批迴倘

於限內不行察收及不給發批迴者該堂官即
行察叅將該司官照逾限例議處至書役人等
指稱估驗掣批掛號等項費用名色借端包攬
索詐者許解官解役即於該衙門首告將包攬
索詐之人交與刑部治罪繫官革職仍交與刑
部治罪如該管官失察者照失察衙役犯贓例
議處如明知不舉者照徇庇例降三級調用如
解官豫先囑託和同行賄聽其包攬者與受一

例治罪如虧空著令賠補者竣完日給批不在計限之內○乾隆四年覆準官員採辦一切物料等項督撫以不能按限完解題請展限經部覆準之後仍不依限完解者將原題請之督撫罰俸六月○十六年遵

旨議定各省委官運辦鹽銅鉛錫等項令該委官領解之日一面申報原委督撫一面申報沿途督撫一竣入境即報地方官察驗至出境時該地

方官驗明無事即具出境印結申報該管上司
並知會接省地方官一體嚴察但不得因有盤
察出結之責藉端留難不顧委官守候稽遲以
致違限如有出境盜賣捏報遭風失火情事該
地方官立即申報本境督撫題叅究擬不得諉
之原委省分督撫致滋疎縱倘經過地方文武
官弁有瞻徇隱匿不行申報境內督撫別經發
覺將經過地方文武官皆照糧船謊報漂沒汎

地文武各官不親臨確勘例革職如地方官已
經申報而境內督撫不嚴察叅奏者照不揭報
劣員例降三級調用倘有藉端留難等弊該督
撫等亦應嚴察如經過地方故為抑勒以致出
境稽遲者一并叅處

一支放錢糧康熙十四年議準各營放餉遴委
賢能官員親臨察閱抽封稱兌按名給散如奉
委官員監放推委不親臨察閱者罰俸一年如

已經親臨不抽封稱兌致有劣弁短少色數繫
失於詳察者監放官降一級調用如監放官知
劣弁有扣剋情弊不即申報事發者監放官照
徇庇例降三級調用如有通同扣剋情弊監放
官革職提問○又議準各省採買米穀豆草估
價均照督撫所定如估價多開者或被旁人首
告或被科道題叅審繫情實原估官革職提問
轉申官降四級調用奏銷督撫降二級調用如

督撫布政使道府等官通同多算者皆革職提問凡米穀豆草多算被上司察出督撫察叅者察出上司察叅督撫免其處分其餘估計奇零雜項既經部駁重估所估價直不確妄行浮開者罰俸一年巡撫罰俸六月○十五年議準軍前供應米豆草等項如地方官將價直浮冒開銷督撫察出題叅照貪官例革職拏問如奏銷完結之後或被科道糾叅或被傍人舉首將督

撫一并照貪官例治罪其舉首之人繫官照應
升之官加一等優升繫旗人民人授為七品官
至民間運到米豆草地方州縣官故意遲延抑
勒刁難需索又州縣官解到米豆草司道府等
官有故意延挨抑勒刁難需索者督撫察出題
叅將經收官員皆照貪官例革職拏問此等情
弊被害之人控告督撫而督撫不行準接糾叅
將督撫亦照貪官例治罪如督撫不行察出或

被科道糾叅或被傍人舉首其督撫各降四級
調用該管司道府等官革職至軍前運到米豆
草等項經收委部官員及武官延挨抑勒刁難
需索者將軍及統兵大員察出題叅皆照貪官
例革職拏問此等情弊經收官員申明將軍統
兵大員而不行糾叅者將軍統兵大員叅贊大
臣亦皆照貪官例治罪將軍統兵大員不行察
出或被科道糾叅或被傍人舉首將軍統兵大

員叅贊大臣降四級調用其該管武官革職其
出首之人繫官照伊應升之官加一等優升繫
旗人民人授為七品官至出征將軍統兵大員
並大小官員及督撫提鎮以下大小官員筆帖
式

欽差部差官員筆帖式科道翰林等官販買米豆草
等物囑託地方官多取價直或將民間所賣米
豆草作為已物囑託地方官令其收買並經理

地方官將所囑託米豆草等物徇庇收買皆照
貪官例革職拏問至已備本色不行收納有抑
勒折價者將軍統兵大員及督撫察出題叅皆
照貪官例革職拏問將軍統兵大員督撫不行
察出或被科道糾叅或被傍人舉首將軍統兵
大員督撫各降四級調用司道府等官並該管
武官皆革職出首之人繫官照伊應升之官加
一等優升繫旗人民人授為七品官至將軍統

兵大員及大小官員並督撫提鎮以下大小官員筆帖式及

欽差部差官員筆帖式科道翰林等官將本身馬匹
徇情囑託送入驛站營伍馬匹數內多取價直
一應購買馬匹不開實價以少為多濫行開銷
者皆照貪官例革職拏問若驛站營伍官員人
等申明督撫提鎮而不行題叅或不行察出奏
請完結之後或被科道糾叅或被傍人舉首將

督撫提鎮皆照貪官例治罪出首之人繫官照
伊應升之官加一等優升繫旗人民人授為七
品官○又議準支應芻粟物料不發見銀採買
借取於民給價短少以致累民者督撫察叅將
州縣等官革職拏問明知不報之司道府官亦
革職拏問詳報不行察叅之督撫革職○又議
準凡官員未經解送正項錢糧之先豫給官役
俸銀工食或不按季給發全給重支或違例給

發錢多銀少者皆降一級調用轉詳官罰俸一年巡撫罰俸六月○又議準官員應給民價不速給遲延者罰俸一年如半給半不給者降二級調用竟不給者革職○雍正五年議準凡地方有軍需公務督撫不及咨題者行令該州縣墊辦或那庫項或墊已資先行詳明督撫辦完十日內即照實價申詳院司道府該院司道府限兩月內覈明題銷倘州縣申報過限或督撫

題報後期戶部察明月日皆交部議處其司道府逾限不行覈轉亦照例察明交議若該州縣報價不實及督撫不據實覈明題報希圖冒銷者戶部題叅州縣照侵欺例治罪督撫司道等官皆照徇庇例議處

盤察

一清盤庫項康熙十四年議準官員庫內物件不行固貯以致庫使偷盜者降一級調用罰俸

一年○二十七年題準各省藩庫交代錢糧定
限兩月如有侵欺虧欠等弊將隱匿不叅之該
督撫革職如督撫有侵欺入己之處照侵欺例
治罪○二十八年題準糧驛二道庫貯錢糧責
成藩司各府庫貯錢糧責成各該道如無道員
管轄之府委令鄰近道員於奏銷時清盤如無
侵那虧空情弊即具保結呈送巡撫倘保結之
後仍有察出侵那虧空者該撫題叅將藩司各

該道皆革職分賠○三十九年覆準州縣府道
收貯錢糧於地丁正項及常平倉穀外一切雜
項錢糧該管上司一并照例盤察○又題準上
司盤察所屬倉庫例責年終時限甚迫嗣後於
次年奏銷前秉公清察據實出結○四十四年
覆準盤察州縣倉庫錢糧如有不肖知府需索
州縣者許州縣即時通報司道督撫題叅草職
如督撫不行題叅將督撫照徇庇例議處○五

十九年覆準知府盤察倉庫州縣禮物永行禁止如仍餽送而知府收受者將餽送禮物之州縣收受之知府照餽送禮物例議處○雍正元年議準各省藩庫錢糧於每年奏銷時該省有總督者令總督監同巡撫親身盤察無總督者責成巡撫親身盤察錢糧無闕出具印結於奏銷本內一並保題如有虧空該督撫即行題叅如督撫扶同徇隱不行題叅虧空事發之日將

監盤之督撫一并革職照例分賠如督撫抑勒
下司那墊濫動以致虧空者該布政使司即據
實通詳各部院衙門或通詳不便即具揭密送
各部院衙門據揭奏

聞將督撫照貪官例革職拏問○又議準凡銀庫匙
鑰司道自行掌管庫使止令看守封識遇有錢
糧出入稟明布政使鹽道方許開庫不得自專
其藩司鹽道有侵用那移抑勒庫官者許庫官

徑行揭報如果舉報得實該督撫巡鹽御史題請議敘以應升之官即行升用其或通同隱匿事發一例治罪如庫官已經據實揭報督撫巡鹽御史徇隱不行題叅照徇庇例議處○乾隆二年議準州縣官徵收錢糧計算道路之遠近酌量錢糧之多寡隨徵隨行解司如有任意遲延不即起解者即令該管府州察報督撫叅分別遲延月日議處至該管府州有督催之責

自應竭力催解倘有聽其遲挨直至撫司行提
催解者將府州一并察叅照督催不力例罰俸
六月如州縣批解錢糧而布政使司抵充雜派
扣批抑勒不發許州縣官申報督撫徑報部院
衙門題叅將布政使司照批回改那例議處○
十四年議準道員知府直隸州知州盤察所屬
正項錢糧時將庫貯兵餉一并盤察出結如有
虧空即行據實揭報倘該上司並不實力清盤

及至交代不清始行揭報照盤察不實例分別
察議

一虧空分別處分開復康熙九年題準司道府
州縣等官如錢糧米豆正雜等項擅自那移別
用者皆革職如正雜錢糧米穀豆草不報明該
撫以緊急軍需私自那用者降一級留任俟賠
完之日聽該督撫題請開復如存留錢糧因公
那用者免議○四十四年覆準州縣倉庫錢糧

責成知府盤察於每年奏銷時出具所管州縣
倉庫實貯無虧印結造冊申詳保題仍令不時
盤察無論幾時察出虧空立即揭叅免其革職
分賠若州縣虧空知府有扶同徇隱情弊別經
發覺者將知府叅革令知府獨賠如知府止繫
盤察不實不行揭報或別案發覺始行報出者
繫那移將知府革職令知府分賠繫侵欺知府
照失察侵盜律議處免其分賠○五十九年覆

準州縣官恃有上司分賠之例將庫銀藏匿假捏虧空者督撫據實題叅審明是實著落本犯名下獨追還項仍照例治罪○又議準各項拖欠錢糧該撫每年奏銷或拖欠在民或本官乾沒或衙役侵欺逐一題明委繫拖欠在民不能催徵者照定例處分如繫本官乾沒者照貪贓例革職提問仍於本官名下追清還項如衙役侵欺者該管官照縱役貪贓例革職其侵欺衙

役交與該撫提拏嚴審追清完項州縣官乾沒
侵欺等情司道府等官豫先不行察出或據詳
代為開銷者司道府等官各降一級調用督撫
罰俸一年○又議準州縣官如衙役侵欺錢糧
捏報民欠知府不行詳察遽為轉報者罰俸六
月○雍正元年

諭虧空錢糧各官若革職留任催追必致貽累百姓伊
等既已獲罪革職豈可復留原任嗣後虧空錢糧各

官即行草職著落伊身勒限追還若果清完居官好者該督撫等奏明欽此○二年

諭朕惟錢糧固屬緊要而民瘼尤宜體卹聞有州縣虧空錢糧百姓情願代賠者此端斷不可開虧空之官未必愛民況百姓貧富不等斷無闔縣情願代賠之理或繫棍蠹勾連借端科斂或不肖紳衿一向出入衙門通同作弊及本官被叅猶冀題留復任因而號召多事之人連名具呈稱繫闔縣願賠後官畏承追

處分接呈入手即差役按里追呼名為樂捐其實強
派其為民累不淺嗣後紳衿富民情願協助者聽其
自行完納其有閭閻縣具呈者即將為首之人治以重
罪如府州縣官擅準派賠著該督撫察叅重處至因
公那移之項依限全完定例準其開復嗣後督撫題
報全完即給咨本官令其隨本引見朕觀其人可用
者即用如不可用以原品休致其年老及不願補官
之人亦於本內聲明給還原職不必來京欽此○又

諭凡官員虧空錢糧倉穀該管上司失於盤察自應草
職分賠但定例虧空官員審無侵欺入己之項勒限
一年內賠補全完準以原職補用而失察革職之上
司轉不得與本官一例開復似屬可憫嗣後虧空銀
穀限內全完例應開復者該督撫察明原叅失察之
上司一并題請開復欽此○四年議準州縣侵那虧
空審明確繫知府徇隱獨賠之項將知府照例
革職離任本犯擬罪監追勒限三年完補無論

本犯完補或知府協同完補但能於一年內全完繫侵欺之項本犯擬死罪者照例減二等發落擬軍流徒杖者照例豁免徇隱之知府不準開復繫那移之項至二萬兩以上者一年內全完本犯照例釋免未至二萬兩者一年內全完本犯照例準其開復其徇隱之知府亦照雍正

二年八月

上諭上司與本官一同開復之例皆準其開復如二限

三限完補者本犯照例分別發落若三年限滿不能完足即將本犯治罪察實累繫家產全無無力完帑不論是侵是那將未完之項盡數著落徇隱之知府勒限一年完補除徇隱侵欺之項雖經全完不準開復外繫那移之項能於一年內全完準其開復一年限滿不完再限一年完補若能於二限內賠補全完照依原職降一級調用二限內完不足數再限一年完補若能

於三限內全完照依原職降二級調用三限內
不完即將知府家產搜索變補若即賠補全完
亦不準開復如州縣虧空知府失於覺察繫侵
欺之項除本犯照例嚴追外失察之知府照失
察侵盜本律議處免其分賠如繫失察那移例
應分賠之項將知府革職其虧空之項亦先在
本犯名下勒限三年追補一年內全完將本犯
及不行揭報之知府皆準其開復二限三限完

補本犯照例分別發落若三年限滿不能完足
將本犯治罪察實果繫家產全無無力完帑將
未完之項著落不行揭報之知府分賠一半其
餘一半入於無著項下完結其知府分賠一半
銀勒限一年完補一年內全完準其開復不完
再限一年完補若能於二限內全完者準其開
復於補官日罰俸一年如二限內完不足數再
限一年完補若能於三限內全完者照依原職

降一級調用如三限內不完不準開復未完銀
仍著落追賠○又議準州縣錢糧倉穀虧空題
叅時一面於任所嚴追一面行文原籍將其家
產嚴察存案如任所無完即變價補完若承追
地方官不行察出照徇庇例議處○乾隆元年
覆準承辦虧空人員如有遲延違限者遵照

欽部事件定例違一月者罰俸三月違二月者罰俸
六月違三月者罰俸九月違四五月者罰俸一

年違半年以上者降一級留任違一年以上者
降二級留任違二年以上者降三級調用○三
年覆準州縣侵項不能一年內全完者知府草
職不準開復若本犯侵項於一年內全完該
督撫將失察之知府確察平日居官如何出具
考語給咨送部引

見請

旨○七年奏準凡虧空之案審出民欠那墊是實除

將本犯照例議罪外再限四月委官徹底察覈
出具並無假捏影射印結再令接任官出具認
徵印結仍向欠戶催徵如限滿不完將接徵官
照例叅處倘本無舊欠接任官通同捏結察出
與本犯同罪仍令分賠○十二年議準州縣虧
空經該管道府察出揭叅各免其失察處分如
例應責成盤察保結之屬官俟其離任身故後
始叅虧空實繫從前盤察不實應無論其揭報

與否將該管道府以失察附叅照失察州縣虧
空例分別議處所虧錢糧亦照失察侵那定例
分別著賠○十四年奏準道員失察知府直隸
州知州虧空照失察例降四級調用至失察州
縣虧空既責成盤察不實之知府其道員自應
量為酌減如該管道員不豫行揭叅州縣虧空
者降一級留任○十五年議準州縣侵欺帑項
限滿不完既著徇隱之知府賠補則著賠之日

即應將知府之原籍房產令該地方官察記冊籍申報上司如能依限代賠全完房產給還仍照例準其分別開復降調如三限已滿變抵房產仍不足數即照例治罪

一清盤倉穀康熙三十九年覆準凡州縣收貯米穀遇颶風大雨等災挽運江海漂流並霉爛者該督撫題叅著革職離任原闕別補限一年之內賠完免罪復還原職別補如逾限一年賠

完免罪不復原職二年之內如不賠完仍照律
例治罪著落家產追賠○五十九年議準州縣
霉爛倉穀不論在任解任以及分賠之知府果
能一年限內全完者皆一例準其開復○雍正
元年議準各省存倉米穀雖有知府盤察司道
管理不能保其一無徇隱當責之督撫覈實嚴
察年終造冊保題至督撫升轉離任將冊籍交
代新任督撫限三月察覈奏

聞如有虧空即行題叅倘新任督撫徇隱不行據實
叅出後經發覺一并照例議處仍令分賠○三
年遵

旨議定州縣虧空倉穀繫侵蝕入己者照侵欺錢糧例
擬斷繫那移者照那移庫銀例擬斷其倉穀令
接任官於秋成穀賤時申詳督撫藩司酌動何
項錢糧照時價先行買補該州縣出具倉收道
府加結報部於虧空人員及妻子名下勒限一

年將動用銀照數追補還項如逾限不完照例
治罪其有倉廩州縣倘因循怠玩於滲漏處既
不黏補應蓋造處又不詳請以致米穀霉爛者
草職動帑買補勒限一年照數追賠限內不完
照例治罪若倉廩既經修理猶有託名霉爛虧
空者亦照例草職治罪○又議準州縣每年借
出穀自秋收後勒限徵比務於十月內全數完
納造具冊收送部年終令知府直隸州知州親

往盤察府州倉穀責令該管道員盤察出具印
結申報如逾限不完或捏造冊收即行揭叅議
處仍令欠戶照數完納如該管上司不行揭叅
照徇庇例議處再倉穀有存七糶三之例其出
糶之時該督撫轉飭地方官嚴行察禁如有囤
積射利之徒即訪拏按律治罪該地方官若不
嚴行察禁該督撫題叅照溺職例議處或有不
肖州縣以糶借為名掩飾虧空該督撫即行指

叅嚴審是侵是那分別定罪追賠該管道府直隸州知州有不時盤察之責如有徇隱失察等情亦即題叅照州縣官侵那錢糧知府徇隱失察例分別議處所虧倉穀著落賠補如道府直隸州知州已經揭報督撫不行題叅者將督撫亦照徇庇例議處所虧倉穀亦照例分賠○乾隆四年奏準各省常平倉穀初次採買遲延經督撫叅送部議處將承辦官罰俸一年如再

不完將承辦官革職留任完日開復○五年奏
準凡州縣官採買米穀如不親身平買運倉轉
發里遞分派花戶勒令採買者將州縣官降三
級調用○八年覆準如有將未進倉穀溷行入
冊捏報者照未完之錢糧捏以全完轉報例革
職其該管上司知而徇隱照徇庇例降三級調
用若止失於覺察照失於覺察例罰俸一年○
十二年議準各州縣所需食米務令自行置買

不得碾用倉穀該管上司亦不得給發價直令所屬州縣碾穀供應仍令各該督撫不時密行察訪倘有州縣碾用等弊委官盤察若察出將不行揭報之瞻徇各上司一并叅處如已經揭報而該督撫不即題叅者照例議處○十八年議準凡採買撥運糧米經由江洋黃河偶遇風浪猝被漂失者辦運各官立即報明所在地方飛往勘訊明確果無虛捏別情取具承勘不扶

印結申詳督撫司道覈實一面咨部一面移咨
辦運省分照例具題請豁若遇失水該運官並
不報明地方官將運官照沉溺漕船不報例降
一級調用如有乘機侵盜等弊革職治罪未經
題豁之先不將失水情形立即勘明豫報戶部
及該省者照失於覺察例罰俸一年所在官司
有瞻徇草率扶同出結情弊照沿塗催趲各官
不親臨確勘的實遞出保結例革職如該督撫

不嚴察確實遽行題豁後至詐冒事發所題督撫降二級調用所豁糧照例著落承辦及出結各官名下按數分賠


一造冊批廻康熙十五年覆準官員造報各項文冊遲延或限內並違限不及一月及違限一月者皆罰俸三月違限兩月者罰俸六月違限三月者罰俸九月違限四五月者罰俸一年違限半年以上者降一級留任違限一年以上者

降二級留任違限二年以上者降三級調用其
文冊遺漏重開數目舛錯或多開少造遺漏職
名者皆罰俸三月該管各官未經察出據冊轉
報罰俸一月如府州縣官員造報奏銷錢糧冊
內有數目舛錯遺漏者總督巡撫不行察出經
該部察出者將該府州縣官罰俸一年總督巡
撫及轉報司道各罰俸六月再督撫司道所造
冊內有數目舛錯遺漏者亦各罰俸六月如司

道府州縣官將奏銷錢糧冊結遲延不送經該撫題叅或限內並違限不及一月者罰俸三月違限一月者罰俸六月違限兩月者罰俸九月違限三月者罰俸一年違限四五月者降一級留任違限六月以上者降二級調用違限一年以上者革職如司道府州縣官將冊結申送督撫而督撫遲延不隨各案一并送到者經該部察出題叅之日將督撫違限五月以下者亦照

司道府州縣官例處分如違限六月以上者降
二級留任違限一年以上者降三級調用如應
行完結之錢糧不行分晰明白溷行造冊將溷
行造冊之府州縣官降一級調用溷行轉報之
司道罰俸一年不行詳察之督撫罰俸六月如
司道官自行造冊不分晰明白者降一級留任
○又議準布政使抑勒州縣衛所官將批迴改
那或以新填陳以此那彼情弊該督撫指名題

參照那用正項錢糧例處分如該督撫徇情不行題參者將該督撫照徇情例降二級調用



欽定大清會典則例卷十六

欽定四庫全書

史部

欽定大清會典則例卷十七

詳校官檢討臣 劉 炳

編修臣 程嘉謨覆勘

總校官原任中允臣 王燕緒

校對官中書臣 呂雲棟

謄錄監生臣 陸維新

欽定四庫全書

欽定大清會典則例卷十七

吏部

考功清吏司

漕運

一漕運考成順治初年定官員收兌漕糧多攬糠粃砂土者該管官革職監兌官降一級調用其抵通兌交漕糧米多糠粃及有砂土者押運

官革職管糧道降一級調用如無糠粃砂土經收兌勒指不收者降二級調用至京通各倉支放米時如倉級等攙和砂土該監督不行稽察究處者降一級調用○十年覆準各省糧道經管漕糧十分全完者加升一級欠一分者罰俸一年再運糧掛欠一分者降一級調用欠二分者降二級調用欠三分者革職凡欠二分三分者初次與二次處分同○康熙三年題準坐糧

廳經管漕糧欠不及一分者罰俸六月欠一分
以上不及二分者罰俸一年○八年定倉場侍
郎經管各省漕糧欠五釐以上至一分者罰俸
一年三年連欠五釐以上至一分者降一級戴
罪督催○四十九年覆準山東河南二省漕糧
數少經管糧道十分全完者加升一級江南江
北浙江江西湖廣漕糧數多經管糧道十分全
完者加升二級至總漕於各省漕糧十分全完

者加升二級未完照考覈倉場侍郎例議處○
五十年覆準州縣水次兌米糧道監兌官親往
稽察如有私自改折漕糧者該州縣及領運官
皆革職米照數交賠監兌官降二級調用糧道
降二級畱任○又覆準監兌官同糧道親身督
押到淮一有短少該督即行審明題叅米畱旗
丁兄弟子姪一人交與監兌官購買趕幫交兌
押運千總出具其結呈報如押運等官捏具其

結者降二級調用○五十一年覆準各省押運
同知通判一次無欠者加一級二次無欠者加
二級三次無欠者不論俸滿即升一次掛欠者
降一級留任二次掛欠者降二級留任三次掛
欠者降三級調用仍將掛欠之米分賠○雍正
四年奉

旨押運官員均令該督撫出具考語送部抵通之日倉
場總督送部引見○乾隆元年奏準京通各倉監督

定以二年更代差未滿時有俸滿應升人員準其照常升轉仍俟差滿更代至差滿之後若照贏餘米議敘恐出入之際易滋弊端應請停止如果能出入公平糧儲無虧倉廩不致滲漏米糧不致霉變任滿時令倉場侍郎保題交部議敘準其加一級○四年覆準山東河南押運薊糧官員如有逗遛掛欠失風等事亦照例處分若抵薊全完並無事故該總漕覈實具題亦照

例分別次數議敘

一漕糧限期順治初年定每年漕糧經徽州縣
限十月開倉十二月兌完○又定河漕總督理
應督率各官挑淺疏通糧艘如不豫行挑淺疏
通以致遲誤者請

旨議處如回空船不行力催又不題叅地方官者皆
降二級留任○又定官員催趲漕船無故容後
幫之船前行前幫之船後行者罰俸一年漕船

入境日期該管官不察明轉報者罰俸六月○
又定各省漕糧江北限十二月過淮江南江寧
蘇松等處限正月內過淮江西浙江湖廣限二
月內過淮山東河南限正月全數開行又江北
限四月初一日抵通江南限五月初一日抵通
江西浙江湖廣限六月初一日抵通山東河南
限三月初一日抵通均限三月內完糧○康熙
十二年議準有司無糧軍衛不備船以致遲誤

過淮違限一月以上者督撫罰俸三月糧道監
兌官罰俸六月違限二月者督撫罰俸六月糧
道監兌官罰俸一年違限三月以上者督撫皆
住俸戴罪督催埃糧船抵通交明開復糧道等
官各降一級調用如經徽州縣衛所等官船到
無米有米無船及過十二月者皆罰俸六月過
正月者各罰俸一年過二月者各降二級留任
至總漕繫通管漕糧催趲尤其專責及過淮以

後令總河星速催趲如依期過淮而抵通遲誤者河漕二督及沿河道員州縣等官亦照督撫遲誤過淮例處分○又議準白糧過淮抵通遲誤者亦照遲誤漕糧例處分○又議準監兌漕糧未經兌完捏報兌完或漕船未經開行捏報開行者皆降二級調用○又議準完糧在原限三月之外違限不及一月者將押運等官罰俸三月一月以上者罰俸六月二月以上者罰俸

一年三月以上者降一級留任○十七年議準
漕船自淮安至天津計程二千三百五十餘里
沿塗州縣衛所於重運北上催令出境如原限
半日而違限一時原限一日而違限兩時原限
一日半而違限三時原限兩日而違限半日原
限四日以上而違限一日原限六日以上而違
限一日半原限十二日而違限兩日者專催官
罰俸一年督催上司罰俸半年如原限半日而

違限三時原限一日以上而違限半日原限兩
日以上而違限一日原限四日以上而違限兩
日原限六日以上而違限三日原限十二日而
違限四日者專催官降一級調用督催上司罰
俸一年如違限之期與原限之期相等專催官
降二級調用督催上司降一級調用如違限之
期逾於原限之期專催官革職督催上司降二
級調用又押運官自受兌以至交倉曾於一二

處逾限者罰俸半年三四處逾限者罰俸一年
五六處逾限者降一級調用七八處逾限者降
二級調用十處以上者革職其回空漕船如過
逆流其間設有牐壩蓄水之處均照重運定期
無牐壩之處原限十二日者改限九日原限四
日改限三日原限三日改限二日原限日半改
限一日又順流有牐壩之處亦照重運定例無
牐壩之處原限半日者改為三時一日改為半

日四日改為兩日五日改為兩日半如有不行
力催以致違限沿途文武官弁並隨幫官皆照
催趲重運例議處至天津以北至通州繫逆流
重運糧船每二十里限一日其回空船繫順流
每五十里限一日山陽以南至浙江其重運糧
船如順流每四十里限一日逆流每二十里限
一日回空船如順流每五十里限一日逆流每
三十里限一日如有違限催趲押運官按違限

日期皆照前例議處湖廣江西並江南等處行
長江以至儀徵皆由大江因風輓運難以逐程
立限令該督撫或繫重運或繫回空飭該地方
官作速嚴加催趲出境其自儀徵至天津如有
違限亦照前例議處或有非常風阻冰凍淺
滯等事難以副限均令報明免其議處○三十
五年議準豫省輝安河內三縣農務在於每年
三四月而漕船抵臨在於五月應於五月初一

日為始封版塞渠如不封版塞渠以致漕船阻滯者將經管官降一級調用該管官罰俸一年該撫不行察叅罰俸六月○三十九年議準漕糧盤壩過牐運至京通各倉監督抽一二袋驗看入廩限三月內全完若米到不即盤過及驗看時有藉端抑勒許運丁首告監督降二級調用倉場侍郎不行察叅罰俸一年○雍正元年議準漕糧冬兌冬開如船到無米有米無船以

致開兌遲延將州縣衛所官照例察叅如該管
上司徇庇不行稽察以致誤漕者該督撫指名
題叅將該管上司照徇庇例議處○二年議準
湖南州縣漕務於十一月運至岳倉如遲至十
二月中旬到者照過十二月兌開例議處如過
十二月到者即照過二月兌開例議處如州縣
糧米依期到次軍衛船已備而監兌領運廳弁
交兌稽遲至過十二月者亦即照過二月兌開

例議處如能依限過淮題明開復○五年遵

旨議準江浙湖廣江西四省糧船過淮違限仍照定例
議處於抵通完糧之日將過淮違限日期扣算
如過淮違限十日已經處分者將抵通完糧違
限十日扣出免其處分凡日期多寡照此扣除
其道遠之省以九月初十日為限逾此限而不
完糧者將押運等官照抵通違限例議處○乾
隆二年議準牘官越漕起版洩水誤漕者該廳

官不行稽察致誤漕務者降一級留任如曲為回護徇隱不報者降三級調用

一旗丁收書康熙二十六年題準運丁正身不押運雇覓匪徒及舵役代運者將押運通判罰俸六月○三十九年議準各倉放米時如有倉役人等抑勒留難向領米之人需索銀錢該監督失察者照失察衙役犯贓例議處倉場侍郎罰俸六月若知情故縱者革職治罪倉場侍郎

罰俸一年○又議準坐糧廳及各倉書役人等
向運官運丁指稱費用勒索坐糧廳監督失察
者照失察衙役犯贓例議處倉場侍郎罰俸一
年如監督等通同需索者革職治罪倉場侍郎
不行察叅者降三級調用○五十一年覆準旗
丁須僉家道殷實之人令千總保結呈報衛守
備府廳等官再加驗看加具印結如有掛欠千
總守備照例處分外一幫掛欠府廳等官罰俸

一年糧道罰俸半年數幫掛欠照此遞加罰俸
○雍正五年覆準僉派收書徵收糧米務令遴
選老成殷實書吏如有僉派匪人侵蝕漕糧者
書吏照律治罪州縣官照溺職例議處侵蝕米
糧即著官役名下嚴行追補至州縣收糧倘有
贏餘飭令糧道不時盤驗每斛應有餘米若干
計算明白存為修倉振濟之用年終將存貯動
用數目造冊報部仍令該撫不時稽察如有扶

同徇隱及各州縣藉名私加斛面苦累小民者
即行叅究

一修造漕船康熙十四年議準官員修造漕船
或謊報朽爛或修造未竣報稱已完或朽爛漕
船冊報掩飾者皆降二級調用如承造漕船推
委不行監造或檄催日久不完竣者皆降一級
調用該管官督催不力者罰俸一年如船朽爛
不估價申報者亦罰俸一年

一糧船夾帶私貨康熙二年題準漕運重船除
定例準帶土宜外不許夾帶私貨淮安濟寧地
方嚴加稽察如有漕船夾帶私貨沿途包買通
同商人搭船者將不行嚴禁之該管糧道罰俸
一年監兌官降一級調用押運官降一級留任
○十五年題準淮安濟寧地方官失察糧船夾
帶私貨者罰俸一年○雍正三年議準糧船闖
插闖關及倚恃糧船任意販載私鹽不服盤詰

持械傷人若押運等官不行約束知情故縱將押運等官革職隨幫照例責革如該管關牘各官藉端勒索故意留難亦許押運等官呈明該督撫題叅究治○又議準糧船繫合幫結隊而行不畏盜賊火礮烏槍無所取用應行禁止通飭糧道衛備運弁嚴禁搜索倘於糧艘之中仍帶火礮烏槍者事發除將本犯照私藏烏槍例責四十外將失察之該管官照失察銃礮烏槍

例分別議處

一糧船漂燬康熙二十一年題準押運官弁巡察不謹以致失火燒燬漕船者降一級留任地方官不行協救延燒別船者罰俸一年○又題準漂沒船糧著沿途催趲各官及汎地文武官親臨確勘是實各出保結取具運官結狀該督撫確察具題到日照例豁免如運糧官丁未經漂沒船糧謊報漂沒並故將船放火漂流及雖

繫漂流損失不多乘機侵盜者照律治罪米照數賠補其沿塗催趲各官及汎地文武各官不親臨確勘的實遽出保結者皆革職如該督撫不緝察確實遽行題豁後致詐冒事露將具題督撫降二級調用○雍正元年覆準漕船在內河失風押運官失於防範者罰俸六月○五年覆準沿塗地方官除遇風水平順仍照定例原限日時催趲出境不得遲誤外若遇風色不順

並水勢漫大該地方官與押運官弁公同計議
暫停守候一面即將守候日期申報該管上司
並總漕衙門於入境出境日時冊內僉注明白
倘有不顧風色水勢催趲前進在內河致有疎
虞將地方官罰俸一年押運官罰俸六月一疎
風息水平仍須立刻催趲出境無得藉辭守候
任其停泊如有捏稱風水未便停泊逗遛者總
漕該督撫據實察叅將地方官降二級調用押

運官降一級調用○乾隆四年覆準汎水漲發猝不及防能庠水救船修艙抵通漕糧並無虧折能買補全完者皆毋庸議處仍照例議敘倘船非滿號不能庠救米有掛欠雖買補全完者仍照例議處○十四年覆準漕船回次雖交與地方官收管仍著隨幫官弁約束稽察遇有風火事故即將該隨幫官弁職名報叅如新運千總既經接收幫船將接收日期呈報之後遇有

事故即將新運千總職名察叅或糧船減存在
次遇有事故運隨二弁皆不能兼顧即察明收
管之地方官開叅至漕船既已回空到次押運
同知等官一運之事已畢實與隨幫專為空船
而設者不同應將押運同知等官免其叅處
一盜賣漕糧順治初年定旗丁於未經抵通之
先沿途盜賣米糧押運同知通判等官不行察
究者各降一級留任○康熙四十三年議準重

運入境責令該管道府州縣往來巡察如失察
盜賣一起者州縣官罰俸六月道府罰俸三月
二起者州縣官罰俸一年道府罰俸六月三起
者州縣官降一級留任道府罰俸一年四五起
以上者州縣官降一級調用道府降一級留任
○乾隆三年覆準漕船抵通如有交倉不足無
故掛欠者一槩不準買別幫餘米抵補仍令倉
場將掛欠之幫逐一開明移咨總漕著落領運

官丁分賠於下年起解搭運如運滿無完照例
叅處其有沿塗失風失火事故等船所運漕糧
一時沉失並搶救濕米等項事出意外令總漕
察明沉失搶救濕米之數報明戶部移咨倉場
於本倉餘米內買補扣抵不準在通購買交納
至給旗丁行月等項日用餘米抵通餘剩令坐
糧廳察明給與驗票準其售買如有私相買賣
杭粟二米及交納不敷官丁在通購買糧米抵

補虧闕者交與通永道並通州知州察拏究治
該道員知州不實力稽察被倉場及巡漕御史
拏獲即題叅交部照失於詳察例罰俸一年○
四年覆準失察盜賣一二起合算米數至五十
石以上者將該地方官降一級留任道府等官
罰俸一年失察一起以至三起合算米數至百
石以上者將該地方官降一級調用府道等官
降一級留任○又覆準州縣官一年內能將盜

賣漕糧拏獲二次者紀錄一次道府等官於所
管境內一年內能拏獲至四次者紀錄一次再
有多獲照此遞加

一漕船回空康熙五十一年覆準凡抵通遲延
之船倉場勒限交糧回空不可遲誤新運其不
能依限回空者令總督察明該省減存船數依
限兌運開行如無減存船即將本省漕船搭運
或本省漕船不能搭運即行捐輸雇船依限兌

運開行其遲滯船來年開凍之時沿河文武官
弁速催抵次如有不行設法雇船依限兌運開
行即將在南之糧道監兌州縣等官題叅照過
淮違限例議處如有遲滯船不行速催抵次即
將在北沿河催趲回空之文武各官題叅照催
趲漕船定限例內回空違限計時日分別議處
○康熙六十一年覆準副丁跟隨重運過淮抵
通交糧完日押運官同隨幫官逐名察點令其

管押頭舵水手回空押運廳官所押尾幫船糧
起卸完日坐糧廳即將批迴印發呈送戶部察
驗令其押空南下如坐糧廳抑勒批迴不行印
發投驗者聽該廳官呈報倉場將坐糧廳題叅
照抑勒遲延例降二級調用○又議準押運官
不候掣批輒行押空回任者罰俸一年若不遵
定例管押回空從陸路回省者照差遣官員枉
道例議處其回空船過淮違誤者皆照重運過

淮違限之例議處

欽定大清會典則例卷十七